

## ЁРИТИБ БЕРИШ

22. Пудратчи қуйидагиларни очиб ошкор қилиши шарт:

— ҳисобот даврида ҳар бир қурилиш пудрат шартномаси бўйича даромад миқдорини;

— ҳисобот даврида эътироф этиладиган қурилиш пудрат шартномаси бўйича даромадни аниқлашда фойдаланиладиган усулларни;

— қурилиш пудратининг тугалланмаган шартномаси бўйича ишларнинг бажарилиш босқичи фоизини аниқлашда фойдаланиладиган усулларни.

Қурилиш пудрат шартномалари бўйича даромадлар ва харажатларни баҳолаш усулларидаги ўзгаришлар ҳам ҳисобот давридаги ва кейинги даврлардаги молиявий натижалар тўғрисидаги ҳисоботда (3-БХМС) эътироф этиладиган ҳисоб-китоб баҳолашларидаги ўзгаришлар каби очиб берилиши керак.

23. Ҳисобот санасига тугалланмаган қурилиш пудрат шартномалари бўйича пудратчи қуйидаги ахборотларни ошкор қилиши керак:

— ҳақиқий қилинган чиқимларнинг ва эътироф этилган даромаднинг (эътироф этилган зарарларни чиқариб ташлаган ҳолда) жами миқдорини;

— олдиндан тўланган ва олинган маблағни;

— ушлаб қолинган суммаларни.

24. Пудратчи молиявий ҳисоботларда қуйидагиларни акс эттириши шарт:

— буюртмачиларнинг қурилиш ишлари бўйича дебиторлик қарзларини;

— буюртмачиларнинг қурилиш ишлари бўйича кредиторлик қарзларини.